

ILASSUTITUT ISUMALIUTISSIISSUT

**Uunga siunnersuut: Soraarnerussutisiaqalernissamut aqqissuussinermut
peqataasussaataaneq pillugu Inatsisartut inatsisaata allanngortinneqarnissaa pillugu**

Inatsisartut inatsisaat nr. xx, xx. xxx 2020-meersoq

(Aningaasaqarnermut Naalakkersuisoq)

pillugu

Aningaasaqarnermut Akileraartarnermullu Ataatsimiititaliap

siunnersuutip pingajussaaneerpeqarneranut

ISUMALIUTISSIISSUTAA

Aningaasaqarnermut Akileraartarnermullu Ataatsimiititaliap suliarinninnermini ilaasortarai:

Inatsisartunut ilaasortaq Hermann Berthelsen, Siumut, siulittaasoq

Inatsisartunut ilaasortaq Múte B. Egede, Inuit Ataqatigiit, siulittaasup tullia

Inatsisartunut ilaasortaq Mala Høy Kúko, Siumut

Inatsisartunut ilaasortaq Aleqa Hammond, Nunatta Qitornai

Inatsisartunut ilaasortaq Malene V. Rasmussen, Demokraatit

Inatsisartunut ilaasortaq Peter Olsen, Inuit Ataqatigiit

Inatsisartunut ilaasortaq Jens Napaattoq, Partii Naleraq

UKA2020-imi ulloq 19. novemberimi aappassaaneerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Pingajussaaneerinninnginnermi siunnersuut ilusimisut iluseqartillugu innersuussutigineqaaq-qinnissaa pillugu aappassaaneerinissamut ataatsimiititaliamit qinnutigineqarpoq. Tamanna Inatsisartut akueraat, taamaattumik ilassutitut isumaliutissiissummut matumunnga atatillugu ataatsimiititaliap apeqquteqaataanut Naalakkersuisut akissuteqaataat ataatsimiititaliamit isummerfigineqarpoq. Siunnersuutip aappassaaneerpeqannginnerani ataatsimiititaliap isumaliutissiissutaanut taakku ilanngunneqarsinnaasimangillat. ataatsimiititaliap isumaliutissiissutaata aappassaaneerpeqarnerani pissutsit siunnersuummut tunngassuteqartut ataatsimiititaliamit innersuussutigai.

2. Apeqquteqaatit

Ataatsimiititaliap siunnersuummik suliaqarnerminut atatillugu atugassaminik apeqqutit arlaqartut akeqqullugit ataatsimiititaliap Aningaasaqarnermut Naalakkersuisoq qinnuigaa. Ataatsimiititaliap apeqquteqaataa aamma Aningaasaqarnermut Naalakkersuisup akissuteqaataa isumaliutissiisummut matumunnga ilanngussaq A-tut ilanngunneqarput.

3. Ataatsimiititaliap siunnersuummik suliarinninnera

3.1 Kalaallit Nunaanni soraarnerussutisianut pinngitsoorani Ileqqaarnissamut pisussaaffimmumt peqataanissamut akiliutissaq 6 %-uppat


Ilanngussaq A-mi apeqqummut 1-imut tunngatillugu akissuteqaammi allassimavoq, innuttaasut 150.000 kr.-inik ileqqaarnissamut tunngavissallit soraarnerussutisialittut ukiumut aningaasat atugassaat 7.447 kr.-inik appariaateqarnissaat misigissavaat. Tamatumunnga Naalakkersuisut oqaaseqarput:

“Takussutissiap aamma siunissami soraarninngortussat pingasut tamarmik annikinne-
rujussuarmik aningaasanik atugassaarnissaat takutinneqarpoq. Taamaammat sipaa-
rutissatut pisussaaffigisat ataavartumik appartinneqarnissaat sakkortuumik inassuti-
gineqanngilaq.”

Tassunga aamma atuuppoq, innuttaasut 150.000 kr.-inik ileqqaarnissamut tunngavissallit katersinerup nalaani 3.420 kr.-inik ukiumut aningaasat nammineq atorsinnaasaat amerline-
rannik misigissavaat.

3.2 Pinngitsoorani ileqqaarnissamut pisussaaffimmumt isertitassanut killigititaq 100.000 kr.-iniit 150.00 kr.-inut allanngortinneqarnera.

Ilanngussaq A-mi apeqqummut 3 ileqqaarnissamut pisussaaffik qanoq isikkoqarnissaa taku-
tinnearpoq.



Titartakami takuneqarsinnaavoq ileqqaarnissamut pisussaaffiusumut 6 %-imik aamma 10 %-imik akiliuteqarnermi innuttaasut ima akiliuteqartassasut tigusaqartassasullu.

Ileqqaarnermi tunngaviit	99.999 kr.	125.000 kr.	150.000 kr.
Ileqqaarnissamut pisussaaffeqarnermut 6 %-imik akiliuteqarneq	0 kr.	3.750 kr.	9.000 kr.
Ileqqaarnissamut pisussaaffeqarnermut 6 %-imik tigusaqarneq	0 kr.	8.166 kr.	19.598 kr.
Ileqqaarnissamut pisussaaffeqarnermut 10 %-nik akiliuteqarneq	0 kr.	6.250 kr.	15.000 kr.
Ileqqaarnissamut pisussaaffeqarnermut 10 %-nik tigusaqarneq	0 kr.	13.609 kr.	32.633 kr.

Tamatumunnga erseqqissaatigineqassaaq ileqqaartussaaitaanermit pisussaaffeqarneq 100.000 kr.-iniit 150.000 kr.-inut atuutsikkiartuaarneqassaaq. Innuttaasut 150.000 kr.-inik isertitatigut toqqammavilinnut sanilliullugit innuttaasut 100.000 kr.-t missaannik ileqqaarnissamut pisussaaffillit taamaalillutik qajassuunneqarnerussapput.

3.3 60-inik ukioqalernermi soraarnerussutisiaqalernissamut aaqqissuussinermut peqataasussaaitaanermit akiliuteqartarnerup atorunnaarsinneqarnera

Apeqqummut 4-mut akissuteqaatiminni Naalakkersuisut ilisimatitsissutigaaq innuttaasut soraarnerussutisiaqalernissamut katersaat ukiumut 6 %-inik appariaateqassasut, pinngitsoorani

ileqqaarnissamut aaqqissuussinermut akiliuteqartarneq 60-inik ukioqalernissamut aalajangiunneqarpat.

Naatsorsuinernut Naalakkersuisut inerniliipput:

”Takussutissiani siunissami soraarninngortussat pisuni pingasuni tamani aningaasani tigorianaanaatiminnik, ileqqaarnissamut pisussaaffiit 60-iliinermi unitsinneqarpata, annertuumik appariarnissaat erseqqissumik takutinneqarpoq. Taamatut allanngineq kaammattuutigineqarsinnaanngilluinnarpoq.”

3.4 Innuttaasut ilinniagaqarnersiutillit

Apeqqummut 6-imut akissuteqaamminni Naalakkersuisut ilisimatitsissutigaat, innuttaasut ilinniagaqarnersiutillit soraarnerussutisiassanut akiliuteqarnissaminnut pisussaaffilerneqarnavianngitsut, isertitaat 100.000 kr.-t ataammatigit.

Naalakkersuisut ilisimatitsissutigaat:

”AIS 2021-mi konto pingaarnermi 40.02.06 Ilinniarnermi tapiissutit meeqqanullu tapit oqaasertaliisoqarpoq, tassanilu Kalaallit Nunaanni tapiissutit annertunerpaaffii 4.700 kr.-nut aalajangerneqarput, taakku ukiumut 56.400 kr.-nik naleqarput.

[...]

Naatsumik oqaatigalugu innuttaasut ilinniagaqarnersiutisiaqartut inatsisissatut siunnersuut maannakkutut isikkoqartillugu sunnerneqassanngillat.”

4. Ataatsimiititaliap inassuteqaatai

Ataatsimiititaliami amerlanerussuteqartut Siumumeersut, Demokratineersut Nunattalu Qitornaaneersut siunnersuut akuerineqassasoq inassutigaat.

Ataatsimiititaliami ikinnerussuteqartut Inuit Ataqatigiinneersut Partii Naleqqameersullu ikinnerussuteqarluni oqaaseqaat imaattoq saqqummiuppaat:

“Ataatsimiitsitaliami ikinnerussuteqartut maanna inatsimmi atuuttumiit pitsanngorsaataasussat akerlerinngilaat.

Taamaattorli inatsimmik allannguinissap siullermeernerani Inatsisartut siammasissumik isumaqatigiissutigisaat, tassalu aaqqissuussinerup equngasumik innuttaasunut, pingaartumik isertitakinneerusunut angummanniareeqisunut eqquinnginnissaanik tunngavissinissap ilaatigut naammassineqannginnera tunngavigalugu siunnersuummut taaseqaataassanngilagut.

Ataatsimiititaliami ikinnerussuteqartut Inuit Ataqatigiinneersut Partii Naleqqameersullu siunnersuut itigartinneqassasoq inassutigaat.

Taamatut oqaaseqarluni isumaliutissiisummilu allassimasutut paasinnilluni siunnersuut ataatsimiititaliap pingajussaaniigassanngortippaa.

Hermann Berthelsen
Siulittaasoq

Múte Bourup Egede
Siulittaasup tullia

Mala Høy Kúko

Aleqa Hammond

Malene Vahl Rasmussen

Peter Olsen

Jens Napaattoq